



АКАФИСТ

преподобному
Серафиму Саровскому
чудотворцу



Тропарь, глас 4.

От юности Христа возлюбил еси, преподобне,/ и
Тому Единому поработати пламенно вожделе еси,/ в
пустынном житии твоём непрестанною молитвою
и трудом подвизался еси,/ умиленным сердцем
любовь Христову стяжав,/ Небесным Серафимом в
песнословии сподобниче,/ в любви притекающим
к тебе Христу подражателю,/ темже избранник
возлюблен Божия Матере явился еси,/ сего ради
вопием ти:/ спасай нас молитвами твоими, радости
наша,/ тёплый пред Богом заступниче,/ Серафиме
блаженне.

Кондак, глас 2.

Мира красоту и яже в нем тленная оставив, пре-
подобне,/ в Саровскую обитель вселился еси/ и,
тамо ангельски пожив,/ многим путь был еси ко спа-
сению,/ сего ради и Христос тебе, отче Серафиме,
прослави/ и даром исцелений и чудес обогати./ Тем-
же вопием ти:// радуйся, Серафиме, преподобне отче
наш.



АКАФИСТ

преподобному Серафиму Саровскому

Кондак 1.

Избранный чудотворче и предивный угодниче Христов, скорый помощниче и молитвенниче наш, преподобне отче Серафиме! Величающе прославляшаго тя Господа, воспеваем ти похвальная. Ты же, имеяй велие дерзновение ко Господу, от всяких нас бед свободи, зовущих:

Радуйся, преподобне Серафиме, Саровский чудотворче.

Икос 1.

Ангелов Творец избра ты изначала, да прославиши житием твоим пречудное имя Святыя Троицы явился бо еси воистинну ангел на земли и во плоти серафим; яко луч пресветлый Вечнаго Солнца Правды, просветися житие твоё. Мы же, зряще прехвальныя труды твоя, с благоговением и радостию глаголем ти сицевая:

Радуйся, правило веры и благочестия; радуйся, образе кротости и смирения.



Ра́дуйся, пресла́вное ве́рных велича́ние; ра́дуйся, прети́хое ско́рбным утеше́ние.

Ра́дуйся, прелюби́мое ино́ков похвалéние; ра́дуйся, живу́щим в ми́ре предивное помо́жение.

Ра́дуйся, Росси́йския держа́вы сла́во и огражде́ние; ра́дуйся, тамбо́вския страны́ священное украше́ние.

Ра́дуйся, преподо́бне Серафи́ме, Саро́вский чудотво́рче.

Кондак 2.

Ви́дящи ма́ти тво́я, преподо́бне о́тче Серафи́ме, тёплую любóвь твою́ ко ино́ческому жити́ю, позна́ святую́ во́лю Господню́ о тебе́, и Бо́гу, я́ко дар соверше́н принося́щи, благослови́ тя на те́сный путь ино́ческий святы́м кресто́м сво́им, егóже до конца́ жити́я твоего́ на персе́х носил еси́, знамену́я ве́лию любóвь твою́ к распéшемуся за ны́ Христу́ Бо́гу на́шему, Емуже́ вси со умилéнием зове́м: **Аллилу́иа.**

Икос 2.

Ра́зум небéсный тебе́ дарова́ся, свята́че Бо́жий от ю́ности твое́я не преста́я помышля́ти о Небéсном, оста́вил еси́ дом о́тчий Ца́рствия Бо́жия ра́ди и правды́ Его́. Сего́ ра́ди приими́ от нас похвалы́ сия́:



Рáдуйся, града Кúрска чадо богои́збранное; рáдуйся, родите́лей благочести́вых о́трасль пречестна́я.

Рáдуйся, добродéтели ма́тере своея́ унаслéдивый; рáдуйся, благочести́ю и моли́тве ёю научéнный.

Рáдуйся, на по́двиги от ма́тере крестомъ́ благосло́венный; рáдуйся, благосло́вение си́е я́ко святи́ню до смéрти соблюды́й.

Рáдуйся, любв́е ра́ди Го́спода дом отéческий оста́вивый; рáдуйся, вся крáсная ми́ра сегó ни во что́же вмени́вый.

Рáдуйся, преподо́бне Серафíме, Саро́вский чудотво́рче.

Кондак 3.

Си́ла Вы́шняго от ю́ности твоея́ вои́стинну храня́ше тя, преподо́бне с высоты́ бо хра́ма спáдша сохрани́ тя Госпо́дь невреждéнна, и стра́ждущу ти лю́те Самá Влады́чица ми́ра яви́ся, с Небéс исцелéние принéсши, занé измла́да вёрно служи́л еси́ Бо́гу, ви́ну взыва́я Ему́: Аллилу́иа.

Икос 3.

Име́я тща́ние о по́двиге ино́ческаго равноа́нгельнаго жити́я, во град святы́й Кíев поклонéния ра́ди



преподобным Печёрским притекл еси, и от уст преподобнаго Досифеа повеление приим в пустыню Саровскую путь свой управити, верою издалеча облобызал еси место святое сие, и тамо вселився житие твое богоугодное скончал еси. Мы же, дивящися таковому о тебе Божию промыслению, со умилением вопием ти:

Радуйся, мирския суеты отрешивыйся; радуйся, Небеснаго Отечества пламенно возжелевый.

Радуйся, Христа всем сердцем возлюбивый; радуйся, благое иго Христова на себе восприимый.

Радуйся, совершеннаго послушания исполненный; радуйся, святых заповедей Господних блюстителю верный.

Радуйся, ум твой и сердце в Бозе молитвенно утвердивый; радуйся, столпе благочестия непоколебимый.

Радуйся, преподобне Серафиме, Саровский чудотворче.

Кондак 4.

Бурю злых напастей утишая, прошёл еси весь путь тесный и скорбный подвига иноческаго, несый ярём пустыннаго жития, затвора и молчания, мно-



гонощнаго бдѣнія, и тако, благодатию Божіею восходя от силы в силу, от деянія к боговиденію, преселился еси во Обители Горнія, идеже со Ангелы поѣши Богу: Аллилуиа.

Икос 4.

Слышаще и видяще святѣе житіе твоѣ, преподобне отче Серафиме, вся братія твоѧ удивляхуся тебѣ и, приходяще к тебѣ, поучахуся о словесѣх твоих и подвизах, славяще Господа, дивнаго во святых Своих. И мы вси с верою и любовію восхваляем тя, преподобне отче, и вопиѣм ти сице:

Радуйся, всего себѣ в жертву Господеви принесій; радуйся, на высотѣ безстрастія возшедый.

Радуйся, воине Христов добропобѣдный; радуйся, Небеснаго Домовладыки рабе благій и верный.

Радуйся, предстателю о нас пред Господем непостыдный; радуйся, к Богородице молитвенниче наш неусыпный.

Радуйся, пречуднаго благоуханія крине пустынный; радуйся, благодати Божія сосуде непорочный.

Радуйся, преподобне Серафиме, Саровский чудотворче.



Кондак 5.

Божественный свет осия жилище твоё, преподобне, егда болящу ти и на одре смертнем лежащу, Самá Пречистая Дéва, пришедши к тебе со святыми апóстолы Петром и Иоáнном, рече «Сей есть от рóда нашего», – и главé твоёй коснётся. А́бие же исцелёв, воспёл еси благодарне Гóсподеви: **Аллилу́иа.**

Икос 5.

Видя враг рóда челове́ча чистое и свято́е жити́е твоё, преподобне Серафíме, восхотé погубíти тя наведé бо на тя лю́ди злы, íже беззакóнно истязáху тя и е́ле жива сýща оста́виша; ты же, óтче святы́й, я́ко а́гнец кро́ток, вся претерпéл еси́, за обидящих тя Гóсподеви моля́ся. Тёмже мы вси, таково́му твоёму́ незло́бию дивя́щися, вопи́ем ти:

Ра́дуйся, в кро́тости и смире́нии твоём Христу́ Бо́гу подража́вый; ра́дуйся, незло́бием твоём дýха зло́бы победíвый.

Ра́дуйся, чистоты́ душе́вныя и телéсныя храните́лю усёрдный; ра́дуйся, пусты́ннике, дара́ми благодáтными преиспóлненный.

Ра́дуйся, подви́жнике богопросла́вленный и прозорли́вый; ра́дуйся, наста́внике мона́хов предивный и богому́дрый.



Рáдуйся, Святы́я Цѣркве похвалó и рáдование;
рáдуйся, обíтели Сарóвскія слáво и удобрѣние.
**Рáдуйся, преподóбне Серафíме, Сарóвскій
чудотвóрче.**

Кондак 6.

Проповѣдует пусты́ня Сарóвская пóдвиги и труды́
твоя́, богонóсне угóдниче Христóв дѣбри бо и лесá
ея́ молитвою облагоухáл еси́, пророку Бóжию Или́и
и Крестítелю Госпóдню Иоáнну подражáя, и явíлся
еси́ пусты́ни прозябѣние многоплóдное дарáми Дúха
Свята́го, Егóже дѣйстви́ем мно́гая и преслáвная со-
верши́л еси́, подвизáя вѣрных воспева́ти благíх По-
дáтелю Бóгу: **Аллилу́иа.**

Икос 6.

Возсия́ в тебѣ нóвый боговíдец, Моисе́ю подóб-
ный, Серафíме блажѣнне непорóчно бо служѣние
олтарю́ Госпóдню совершáя, сподóбился еси́ зрѣти
Христá, во хра́ме со Безплóтными Сíлами грядúща.
Семú Бóжию о тебѣ благоволѣ́нию дивя́щися, воспе-
ва́ем ти сýце:

Рáдуйся, боговíдче преслáвный; рáдуйся, Свѣтом
Трисия́нным озарѣнный.

Рáдуйся, Пресвяты́я Трóицы служítелю вѣрный;



ра́дуйся, Ду́ха Свята́го жилище украше́нное.

Ра́дуйся, Христа́ со А́нгелы телесныма очима лицезре́вый; ра́дуйся, в брэннем телеси́ райскую сла́дость предвкуси́вый.

Ра́дуйся, Хле́бом Жізни насы́щенный; ра́дуйся, пити́ем безсме́ртия напо́енный.

Ра́дуйся, преподо́бне Серафи́ме, Саро́вский чудотво́рче.

Кондак 7.

Хотя́ Человеколю́бец Госпо́дь явити в тебе́, преподо́бне, Своё неизрече́нное к лю́дем милосе́рдие, показа́ тя я́ко вои́стинну свети́ло богосве́тлое де́лы бо и словеси́ тво́ими всех приводи́л еси́ ко благоче́стию и любви́ Бо́жией. Те́мже сия́нием по́двигов твои́х просвеще́ни и хле́бом уче́ния твоего́ насы́щени, тебе́ усе́рдно велича́ем и просла́вльшему тя Христу́ вопи́ем: Аллилу́иа.

Икос 7.

Но́ваго ви́дяще тя избра́нника Бо́жия, издале́ча притека́ху к тебе́ ве́рнии в ско́рбех и боле́знях; и сих, беда́ми отягче́нных, не отри́нул еси́, источа́я целе́ния, да́руя утеше́ние, предста́тельствую в моли́твах.



Тѣмже исхождаше во всю зѣмлю Россійскую вещаніе чудес твоих, и сїце ты славляху духовная чада твоя:

Рáдуйся, пáстырю наш дóбрый; рáдуйся, óтче мїлостивый и крóткий.

Рáдуйся, врачú наш скóрый и благодáтный; рáдуйся, нѣмощей нáших целїтелю милосѣрдый.

Рáдуйся, в бедáх и обсто́яніих помóщниче скóрый; рáдуйся, душ смятѣнных умирїтелю преслáдостный.

Рáдуйся, грядúщая я́ко настоя́щая провїдевый; рáдуйся, прегрешѣній сокровѣнных обличїтелю прозорлївый.

Рáдуйся, преподóбне Серафїме, Сарóвский чудотвóрче.

Кондак 8.

Стрáнное чúдо вїдим на тебѣ, преподóбне я́ко стáрец сый нѣмощный и притрúдный, тýсящу дний и тýсящу нóщій на кáмени в молїтве пребывáл есї. Кто дово́лен изрещї болѣзни и борѣния твоя, блаженне óтче, я́же претерпѣл есї, возде́я преподóбнии рúце твої к Бóгу, Амалїка мýсленнаго побежда́я и Гóсподеви по́я: Аллїлúиа.



Икос 8.

Весь еси желáние, весь слáдость, Сладчáйший Иисúсе! – тáко в молíтвах взывáл еси, óтче, в пустýннем безмóлвии твоём. Мы же, суетóю помрачénнии и во гресéх все житиé иждíвшии, восхваляюще любóвь твою ко Гóсподу, сiце вопиём ти:

Рáдуйся, любящим и чтúщим тя ходáтаю спасéния; рáдуйся, приводя́й грéшников ко исправлénию.

Рáдуйся, молчáльниче и затвóрниче предíвный; рáдуйся, молíтвенниче о нас усéрдный.

Рáдуйся, пла́менную любóвь ко Гóсподу показáвший; рáдуйся, огнём молíтвы стрéлы вра́жия попáливый.

Рáдуйся, свещé неугасíмая, молíтвою в пустýни пламенéющая; рáдуйся, светíльниче, горя́й и светя́й даровáнии духóвными.

Рáдуйся, преподóбне Серафíме, Сарóвский чудотвóрче.

Кондак 9.

Все естество́ áнгельское удивíся стрáнному зрénию стáрцу бо, сýщу в затвóре, Небесé и землi Царiца явися, повелевáющи, да открýет затвóр свой и да не возбранíт лю́дем правослáвным внiти к себé, но да всех пéти научíт Христú Бо́гу: **Аллилу́иа.**



Икос 9.

Ветии многовещанныи не возмогут изрещи крепость любви твоея, блаженне предаи бо еси себе на служение всем приходящим к тебе, повеление Богоматере исполняя, и был еси недоумевающим советник благий, унывающим утешитель, заблуждающихся краткое вразумление, болящих врач и целитель. Сего ради вопием ти:

Радуйся, от мира в пустыню вселившийся, да добродетели приобретаеши; радуйся, из пустыни во обитель возвратившийся, во еже добродетели семеню сяти.

Радуйся, Духа Святаго благодатию осиянный; радуйся, кратосте и смирения исполненный.

Радуйся, притекавшим к тебе отец чадолюбивый; радуйся, в словесех любви ободрение и утешение им подававший.

Радуйся, приходящая к тебе радостью и сокровищем именовавый; радуйся, за любовь твою святую радостей Небеснаго Царствия сподобивыйся.

Радуйся, преподобне Серафиме, Саровский чудотворче.



Кондак 10.

Спасительнаго твоего подвига, преподобне, достиг скончания, на молитве коленопреклоненно святую душу твою в руке Божии предал еси, юже Ангели святии вознесоша Горю ко Престолу Вседержителя, да со всеми святыми предстоиши во славе невечерней, воспевая песнь хвалебную святых Святейшему Слову: Аллилуиа.

Икос 10.

Стена всем святым и иноком отрада, Пресвятая Дева пред кончиною твоею явися ти, провозвестивши близкое твое к Богу отшествие. Мы же, дивящися таковому посещению Богоматере, вопием ти:

Радуйся, Небеси и земли Царицу лицезривый; радуйся, явлением Божия Матере обрадованный. Радуйся, весть от Нея преселению Небесному приемый; радуйся, праведною кончиною святость жития твоего показавый.

Радуйся, в молитве пред иконою Богоматере умиленный дух твой Богу предавый; радуйся, неболезненным исходом проречения твоя исполненный.

Радуйся, венцем бессмертия от руки Вседержителя



увѣнчанный; радуйся, блаженство райское со всеми святыми, унаследовавший.

Радуйся, преподобне Серафиме, Саровский чудотворче.

Кондак 11.

Пение непрестанное Пресвятей Троице вознося, преподобне, всем житием твоим подвижник великий благочестия явился еси, заблуждшим на вразумление, болящим душою и телом на исцеление. Мы же, благодарни суще Господеву за такую милость Его к нам, вину зовем Ему: **Аллилуиа.**

Икос 11.

Светоподательный светильник быв в житии, богблаженне отче, и по смерти твоей возсиял еси яко светозарное светило Российския земли источаеши бо от честных мощей твоих токи чудес всем, с верою и любовью к тебе притекающим. Темже мы, яко молитвеннику о нас теплomu и чудотворцу, вопием ти:

Радуйся, множеством чудес от Господа прославленный; радуйся, любовью твоею всему миру возсиявший.

Радуйся, любве Христовы верный последова-



телю; радуйся, утешение всем требующим твоея помощи.

Радуйся, источник чудес неоскудеваемый; радуйся, болящих и недужных исцелителю.

Радуйся, воды многоцелébныя кладязю неисчерпаемый; радуйся, яко вся концы земли наша любовию твоёю объял еси.

Радуйся, преподобне Серафиме, Саровский чудотворче.

Кондак 12.

Благодать и велие твоё дерзновение пред Богом вèдуще, тебе, преподобне отче, молимся молися тёпле ко Господу, да хранит Цèрковь Свою Святую от неверия и раскола, от бед и напастей, да поём тобою благодéющему нам Богу: **Аллилуиа.**

Икос 12.

Поюще твоё прославление, ублажаем тя, преподобне, яко многомощна молитвенника о нас пред Господом, утешителя и заступника, и с любовию возглашаем ти сице:

Радуйся, Цèркве Православныя похвало; радуйся, Отечеству нашему щит и ограждение.

Радуйся, путеводителю, всех к Небеси направляяй;



ра́дуйся, за́щитниче наш и покрови́телю.

Ра́дуйся, си́лою Бо́жиею мно́гая чудеса́ соде́я-
вый; ра́дуйся, ри́зою твоёю мно́гия недужныя
исцели́вый.

Ра́дуйся, вся ко́зни диáвольския победи́вый; ра́-
дуйся, зве́ри ди́кия кро́тостию твоёю покоры́вый.

**Ра́дуйся, преподо́бне Серафíме, Саро́вский
чудотво́рче.**

Кондак 13.

О предивный угодниче и великий чудотворче,
преподобне отче Серафиме, прими́ ма́лое си́е мо-
ле́ние на́ше, в похвалу́ тебё возно́симое, и, предсто́я
ны́не Престо́лу Царя́ ца́рствующих, Го́спода на́шего
Иису́са Христа, моли́ся о всех нас, да обря́щем ми-
лосе́рдие Его́ в Де́нь Су́дный, в ра́дости пою́ще Ему́:
Аллилу́иа.

Этот кондак читается трижды.

Икос 1.

А́нгелов Творе́ц избра́ ты изнача́ла, да просла́виши
жити́ем тво́им пречу́дное и́мя Святы́я Трои́цы яви́л-
ся бо еси́ вои́стинну а́нгел на земли́ и во плóти сера-
фíм; я́ко луч пресве́тлый Ве́чнаго Со́лнца Пра́вды,
просвети́ся жити́е твоё. Мы же, зря́ще прехва́льныя



труды́ твоѧ, с благоговѣнием и радостію глаголем ти сицевая:

Радуйся, правило вѣры и благочестія; радуйся, образе кротости и смиренія.

Радуйся, преславное вѣрных величание; радуйся, претихое скорбным утешение.

Радуйся, прелюбимое иноков похваление; радуйся, живущим в міре предивное поможение.

Радуйся, Россійскія державы славо и ограждение; радуйся, тамбовскія страны священное украшение.

Радуйся, преподобне Серафиме, Саровский чудотворче.

Кондак 1.

Избранный чудотворче и предивный угодниче Христов, скорый помощниче и молитвенниче наш, преподобне отче Серафиме! Величающе прославляшаго тя Господа, воспеваем ти похвальная. Ты же, имеяй велие дерзновение ко Господу, от всяких нас бед свободи, зовущих:

Радуйся, преподобне Серафиме, Саровский чудотворче.



МОЛИТВА.

О преподобне отче Серафиме! Вознеси о нас, рабех Божиих (именá), благомощную твою молитву ко Господу сил, да дарует нам вся благопотребная в жизни сей и вся к душевному спасению полезная, да оградит нас от падений греховных и истинному покаянию да научит нас, во еже безпреткновенно внити нам в вечное Небесное Царство, идеже ты ныне в незаходимей сияеши славе, и тамо воспевати со всеми святыми Живоначальную Троицу во веки веков.

ВЕЛИЧАНИЕ.

Ублажаем тя, преподобне отче наш Серафиме,/ и чтим святую память твою,/ наставниче монахов,/ и собеседниче Ангелов.



ЧТЕНИЕ АКАФИСТОВ В ХРАМЕ РОЖДЕСТВА ПРЕСВЯТОЙ БОГОРОДИЦЫ

В храме Рождества Пресвятой Богородицы (с. Три Озера, Спасского благочиния, Казанской митрополии, Чистопольской епархии) каждую субботу совершается молитва по соглашению – чтение акафиста преподобному Серафиму Саровскому (о пребывающих в скорби, о примирении враждующих) в 18.00 (по московскому времени). Эта молитва является молитвой по соглашению, многие люди молятся, находясь в разных местах, в одно и то же время, разъединённые подчас большими расстояниями, но объединённые общей церковной и частной молитвой.

Заказав акафист в нашем храме, нужно читать его и дома, в тот же день и в то же время, что и в нашем храме.

Имеются многие свидетельства от людей, получивших милость Божию после чтения акафиста.

Заказать акафист можно непосредственно в храме, а также почтовым переводом по адресу: 422845, РТ, Спасский район, с. Три Озера, ул. Матросова, д.4, Кавиной Татьяне Николаевне. В разделе «сообщения» указать имена и название акафиста. Дополнительная информация по номеру: 89274280503.